
Давлат хизматлари марказига янги бино топширилди

Вилоят ҳокими Ҳ.Бозаров Тошлоқ туманда олиб борилаётган ислохотлар билан танишиш, келгуси йил учун замин яратиш борасида секторлар томонидан олиб борилаётган ишларни ўрганиш мақсадида бугун туманимизга ташриф буюрди. Ташриф Давлат хизматлари маркази биносининг очилишидан бошланди. Бугунги кунда туманда давлат хизматларини сифат жиҳатидан янада ошириш ҳамда фуқароларга қулайлик яратиш мақсадида қисқа муддатларда Давлат хизматлари маркази ҳалқ ихтиёрига топширилди. Айтиш жоизки, тумандаги Давлат хизматлари марказининг аввалги ҳолати кўзда тутилган стандартларга жавоб берса олмас эди. Шунинг учун ҳам пандемия шароитида мижозларнинг сифатли хизмат олишларига кўмаклашиш мақсадида марказ тез фурсатларда қулай ва шинам кўринишга келтирилди. Тўлиқ равишда қайта реконструкция қилиниб, қўшимча қулайликлар ва шинам хизмат кўрсатиш имконияти яратилди. Эндиликда марказда бир вақтнинг ўзида 20 нафар, бир кунда 600 нафар фуқарога хизмат кўрсатиш имконияти пайдо бўлди.

2020-12-05 19:27:02